

增補

出青新集

一
函
八
冊

齊平私藏

PDG

憑山閣增補青新集卷之二十二

讞語

訪犯極惡

石琳

威逼人命

失名

海洋大夥

失名

玷官炙詐

李嗣京

盜苗傷命

林雲銘

玷官枉詐

毛際可

強盜劫燒

汪曾垣

搶女強姦

張岐

謀財殺命

失名

清殺男命

顏堯揆

頒批緝逃

汪曾垣

奇冤慘殺

李嗣京

冤抵母命

黃六鴻

折割血婚

汪曾垣

擒獲強盜

李嗣京

滅倫強姦

汪曾垣

惡捕符文

陳維立

打死人命

失名

露搶事

陳旭

陷殺事

失名

打死果主

李發枝

欺姦弟婦

陳旭

謀殺親兄

張岐

戥兵鎖兒

顏堯揆

黑夜劫殺

黃國琦

破塚盜墓

汪曾垣

察究存亡

徐伸

殺死父命

陶三寧

急救總命

靳治雍

霸產昂糧

黃六鴻

伐墳謀占

汪曾垣

霸產極寃

黃六鴻

孽甥仗勢

汪曾垣

滅倫異變

梁允植

劫女奇寃

方亨咸

劫擄人財

翁應兆

姦拐服嫂

劉時俊

姦騙撤拐

陳開虞

霸賣拐逃

趙開雍

凌慢斯文

徐開禧

發塚斲棺

李嗣京

慘殺夫命

顏嘉猷

提審重犯

李之芳

立殺叔命

林雲銘

慘逼殺妻

毛賡南

打死母命

王士禎

活殺男命

馬端圖

打死姊命

王仕雲

讐姦殺命

胡昇猷

吞聘退婚

顧季玠

逼死妻命

王分階

憑山閣增輯留青新集卷之二十二

西冷陳

枚簡侯選

男

德裕子厚增輯

錢塘郭于垣翼侯訂

休邑朱從儀慎威叅閱

讞語

訪犯極惡事

石琳

審得任重作奸舞智挾刁逞強弄錦賴于筆端起風波于平地

橫張羅財之網暗發傷人之箭睚眦必報荼毒多端業經兩問

配遣宜其易轍改弦顧乃稔惡不悛怙終猶故如王舉樂戶下

賤也因與扣兒嫖宿反打奪金飾而後已金燹等安分良民也

因唆張順告誣致誣謗官府以被玷喬拱宿統縉上舍也代為

吳尙賓報併必挾詐二十金以為快此特一時偶遭一事相觸

其毒螫猶淺耳。至受囑于張先德而作難于張揚德也。先以索田挑釁。再以借銀挾仇。或誣之毆母。或駕以人命。數日而疊告多詞。或捲以草薦。或投之冰雪。一人而備悉楚毒。甚至禁于家。而反陷罪。無控窘辱其妻。而因羞憤致死。打搶其資。而羅男女泣拜不免。夫重與揚德仇。非不共害已。交加剝膚吹髓。命在刀砧。乃曾不敢出一語相加。逞一臂相向。亦可已矣。乃上年五月。重與弟任遠駕舟。與揚德相值。知其挾資販布。復嚇以危言。而搶其布價三十兩。縛舟潛逃。吞聲忍氣。終莫敢誰何。積威所劫言之寒心。他若韓文以窩盜被詐銀二十兩。揚德以誣訟被詐田十畝。事雖告給。而贓尚未追。故今兩造質成正欲定擬。而揚德又以所斷銀田願沒官。以備公用。不願收領。以辜公斷。則

刁猾如任重者。定罪而重。緣潛逸。追賊又詭逼虛領。豈重有驅鬼役神之力。透天穿地之能。故法無加彼何耶。至今談重者。無不舌吐毛悚。此或亦天厭其惡而不令死牖下乎。當時告發若韓文唐臣。俱爲溝斷。王月扣兒。相繼從良。雖無活口質証。重自俛首無辭。要知重生平積惡。擢髮難數。固不盡載于單欸。卽其待揚德始終一事。至今耳聞猶爲鼻酸。重生平大槩如此。此誠如蚋如狼。不可與同中國者。加刺編發。庶創刁頑。任遠助兄爲虐。亦應刺配。金鷺莫老虎聽主顧。指姑各杖懲。王敬愚葉琳臺陸士元。擇交不慎。致比匪人。吳汝德取友不端。致招物議。亦應併究。汝德仍行學戒。飭許其自新。至若徐以儗。郎舅參商。慈惠雖在。汝德王汝才兄弟。胡越打。捏各有周親。大率皆重爲祟。但

被害堅執不認于証苦稱未聞姑不深求搶詐諸賊主在者給主無主者八官外黃卿等所投諸事情出有因事皆可駭第恐借訪生情株連無已存案免究

威逼人命事

失名

審得張業以訟師爲陸梅左袒拆墩燒屍之告則張業主之袁氏銜業已久後氏以投審在原差倪山家居停業至山家獻和計爲漁餌不意氏仇視而唾罵之也業素爲人目懾遂負氣相向復以醜語觸袁氏所諱遂與氏扭結且拳木交加致氏負傷而歸事在臘月初三後死于月之除夜是業原無死氏之心特以貪利之心遂至罹害且不勝一朝之忿至冒不赦之辟今審活口多証死屍多傷雖出辜限之外亦難追抵業蓋情可矜而

法難貸者也。招呈 木院蒙批再審。審得袁氏以垂老之婦。死
辜限之外。且傷多跌躓。至索其行兇器具。則已烏有。矧袁氏過
聽應元貪謀。燔夫屍而鬻其田。自有死道細審。張業僅與袁氏
結。扭南一掌。卽解開。而老婦固素暴悍。遂忿懣跌躓。故爾負傷
許多。使業果持木毒毆。彼時表留父子具在。必不坐視其毆。而
甚至垂斃也。所云應元鎖項不能救援。則袁留點綴之語。終不
可信。若果致命重傷。盡在頭面。則老婦之死。豈能華限之外。故
職原謂業抵可矜展。轉駁縣特以傷多証堅。不能遽釋。至蒙
院審而陸梅以死因實控。梅寧有黨業而忍死其母者乎。與其
絞業爲不決之疑。以致牽累多人。毋寧失不經以開解網之仁
乎。然業固刁徒也。辯已重辟。而訴應元以謀死。是欲自逃罪外。

留青新集 卷二十二
而擠人于穽中也。法應反坐。況與氏揪扭有因。淮照威逼律追銀十兩。結梅葬氏餘准宥罪。

海洋大夥賊船突犯官兵事

失名

審得賊之揚帆海上也。屠彼多命。肆劫行商。方且盜弄潢池。復爾漸窺澤國。今假息者尙有林七老陳福二名。甘投蛇豕之群。宜作鯨鯢之戮。臬示自不枉者。但閱招福是時年甚少。供其夥伴。言不知也。不過云係賊首。篋人縱之歸而復來耳。招內再入夥黨殺人。不言所殺幾人。所執何器。前恤部駁有在案。且他賊皆稱逮擒。福與謝以賢稱續獲。賢以枕工放歸。而此之不陣擒者。未必皆殺人之賊也。大獄未易輕翻。然脅從罔治。不可不一罰。以使無冤監候。

玷官炙詐事

李少文

審得馬驥幼時屬趙相卯翼如已子。趙相爲王氏之僕驥爲相也。子豈不亦執箠撻箠之流。而顧侈然以門楣自誇耶。後趙相從嫁驥亦逡巡出姓。則驥與王雖無主僕實據然良賤供案定矣。卽據驥自供吐此等來歷。驥固不能自諱也。設趙相非王門厮養驥非趙相。恩養兩姓結姻亦事之常。彼王門諸人何仇于驥而欲奪其已成之盟耶。細鞠詞証知驥欲借秦晉以蓋腥膻之氣。而王善推弟兄又貪聘金甘心女吳更有談生一貫巧爲吊合致吳孟鹿馬幾無別日。假令王女琬姐尙在自當勒驥吐退另配名門。今幸琬姐已死驥謀未諧第追出庚帖付王門之達者俾知驥所自出。且令與驥王永不得講婚姻之好耳。驥忘

原來之水。木。覬。非。分。之。朱。陳。姑。念。姻。好。不。終。薄。擬。杖。懲。王。善。推。
誼。關。手。足。輕。與。犬。羊。訂。盟。大。虧。門。誑。談。一。貫。身。廁。名。教。故。爲。良。
賤。說。合。殊。乏。鬚。眉。善。推。論。杖。念。妹。死。免。追。財。禮。一。貫。尙。係。青。年。
論。杖。恐。阻。進。取。姑。行。學。戒。飭。以。勵。後。來。驥。雖。蔑。分。原。非。趙。相。嫡。
子。況。趙。又。從。嫁。出。姓。費。幾。許。宛。轉。乎。此。一。役。也。良。賤。固。自。較。然。
如。必。欲。追。而。奴。之。王。鳳。過。矣。

盜苗傷命事

林雲銘

審得陶呵三衛三同爲村黨無賴而顧業之僕王阿二吳杏村
小潘等則鄉愚無知者耳客歲仲夏淫雨連旬沃壤皆成巨浸
人情洶洶莫必旦暮阿三衛三輒欲乘隙竊發糾阿二輩盜苗
以圖自潤此輩安危利害損大利已罪何可追第以拒捕定罪

則情形固未確也。據初招原謂阿二等素非阿三同黨。止偶爾偕行。亦未制挺操戈。止是徒手相毆。夫阿三衛三既各執篙拒敵。即使黃祥夏信果受重傷。要皆阿三與二致之。又孰辨其顧門之傷出自鉄篙。而頭額之傷出自呵二等衆手乎。且細審是夜已互相結于總甲李立家。彼指此爲搶苗。此亦指彼爲搶苗。未聞有失主彭盛在。彭盛之爲失主。蓋次日蛇足也。是晚彭盛果被打搶。豈不與黃祥夏信輩共赴訴李立以爲平明質乎。矧各犯獲非當場。各兵傷盡平復。今且併七人而繫繩以拒拽。此若輩所以哀鳴未已也。惟是時災民心思亂。田有禾者眠不貼席。而阿三衛三敢于倡禍。故讞者盡法繩之。杜漸遏萌。所見良是。獨阿二等以守苗而出。以脅從而逮。究盜則未成。鞫贓則烏

有。拒捕則如風影。似無庸苛求者。第其蹊田毀苗。既與戎首同論罪。追賠亦難與戎首異矧。且已招詳發配矣。故酌量其情形。稍請減等。庶以罪之。惟輕濟法之。惟平。黃祥詭謀求勝。致滋波累。李立明知。是夜首尾而質証不力。應與冒名罔控之黃賢并杖。

玷官枉詐事

毛際可

審得李舜以糧里常居停。胡士俊家因與俊母薛氏有姦。薛氏次子士杰新娶陳朝宰之女爲妻。頗不當薛氏意。而士杰與妻亦復不諧。且疑其妻在陳門有醜行。薛氏遂與李舜商之。因欲改醮陳氏爲子。再娶時元大倫與薛氏緊鄰。欲爲媒灼。李舜從中組撓。又自爲主婚。另適大倫。因而啣之。遂從惡。爲報復計于

是朝宰扭舜赴告矣。胡士俊亦以活拆告舜矣。迨舜被捕而士俊付之罔聞。坐是轉免奚賢等貨銀分送時朝宰陸庄阮大倫與捕書錢春俱各次第染指。夫李舜以薛氏私人。狎主齊盟。且情狀頗橫。其被告被捕固所自取。柰何群不逞者叢而索詐致舜備悉楚毒也。夫朝宰爲氏父親。氏別嫁而父不與聞。冥人情之所不堪。扭告于先得銀于後俱不足訝。至陸庄所得與阮大倫錢春所索則屬何名何法。而李舜能無藉口也。通共追贓分別擬杖。李舜積戀老婦之姦。擅主幼媳之嫁。胡士杰過信孟影之疑。遽賣結髮之妻。並杖何辭。

一件強盜劫燒事

汪曾垣

審得莊賢以嗜賭流爲無賴。而乃伎心堂兄莊仁之多貲。鼠竊